

Cauhbingz Yen: Banh Ruzlungz Doxdax Nem Ciet Souhyienz Vwnzva Lijyouz

第二届桂粤湘龙舟邀请赛暨 2016 年昭平县长寿文化旅游节盛大开幕

10 nyied 7 hauh, aen Dahgveigyangh gyaendei Cauhbingz Yen haenx, baenz gyoengq vunz youq gizhaenx angqfwngfwng, daihngaih gaiq Gvei Yez Siengh “hozcinh gensezbeih” ruzlungz iucingj doxdax caeuq 2016 nienz Cauhbingz Yen ciet souhyienz vwnzva lijyouz youq gizneix hwnghwd haimuq. 20 aen doihruzlungz daj “Gvei Yez Siengh” sam aen swngj gih daeuj caeuq bonjdieg 24 aen doihruzlungz yaek youq gizneix doxdax.

Gaiq ruzlungz iucingj doxdax neix dwg aeu “mbwn hoh aen couh lungz comz Cauhbingz” ma guh cawjdaez, youz Gvangjsih Bouxcuengh Swcigih Dijyuzgiz、Hocouh Si Yinzminz Cwngfuj guhcawj banh, youz Swcigih Dijyuzgiz Sevei Dijyuz Cwngsim、Hocouh Si Dijyuzgiz、Cauhbingz Yen Yinzminz Cwngfuj、Gvangjsih Vangzyauzugjein Lijyouz Vwnzva Canjyegih Gvanvejivei bangbanh.

(Liuz Feih/刘飞)



▲ Ruzlungz youq gwnz Dahgvei-gyangh doxboenq.



▲Gak aen doihruzlungz doxcomz.



▲ Mehgeq neix ndaej siengq caiq ndaej ngaenz angq raixcaix.

Lozcwngz: Aeu Gingqdaeuz “Hauqgingq” Bouxlaux Bak Bi

罗城: 见证“百年” 镜头“敬老”

Gouj nyied cogouj daeuj daengz le, Hozciz Si Sezyinggyah Hezvei caeuq Lozcwngz Mulaujcuz Sezyinggyah Hezvei caezgya haiguh “gingq laux gyaiez laux camnai bouxlaux bak bi” caijfungh hozdung, gyoengq “ingjyoux” haeuj mbanj con hongh hawj bouxlaux bak bi haenx ingjsiengq mbouj aeu ngaenz, saed geiq raencingj bakbi, cung swiq cang gingq ndei le soengq hawj gyoengq bouxlaux neix, lij soengq hawj gyoengqde doxgaiq caeuq ngaenz.

(Mungz Cwnghsw/蒙增师)



▲Gyoengq ingjyoux caeuq bouxgeq yawj siengq.

Ningzmingz Yen Banh “Ciet Docih Loegvet” Byaraiz Gijgwn Ndei Doxdax

宁明县举办“骆越感恩节”花山美食大赛

10 nyied 1 hauh, youq ciet gozging geizgan, Ningzmingz Yen youq Cingzcungh Cin Yacouh Cunh Byaraiz mingzcuh lajmbanj lijyouzgi h banh ndaej baenz aen hozdung Byaraiz gigwn ndei doxdax “ciet docih Loegvet” he, geizgan lij baij ngaiz daizraez cinghek. Ndaw yienh gyoengq mizmingz gigwnz giyez caeuq dangdieg ndawbiengz dajcawj rem haenx, caeuq haujlai gak dieg hekyouz cungj camgya aen hozdung neix.

Ngoenz haenx, vunz lai raixcaix, gyoengq hekyouz itmienh cimz gigwn ndei, itmienh yawj gwnz daizheiq dajcawj doxdax, ndawde seizmboujseiz lij cab miz ciengqheiq. Ginggvaq gig haenq doxdax le miz geij aen bouqlaeuj caeuq dangdieg ndawbiengz geij boux dajcawj rem haenx ndaej aen cwngheuh 2016 nienz “byaek mizmingz Byaraiz”.

(Cwng Cunghswng/郑中生)



▲ Haujlai vunz caenx youq henz daiz daengq raez.



▲ Boux dajcawj gag gaisau gij byaek bonjfaenh.

Lungzswng Guekgingq Hekyouz Rimrwd Daengx Yienh Ciepdaih 22.8 Fanh Vunz

龙胜国庆假期游客爆棚

全县接待 22.8 万人

10 nyied 6 hauh, Lungzswng Gak Cuz Swciyen Lungzciz nazmbaeklae hekyouz lai dangqmaz. “Cib it” geizgan, cingq dwg Lungzciz nazmbaeklae geiqciat gohaeux henj seiz, caengz dap caengz nazmbaeklae lumj “gwnz dieg bu gim” nei, ndei yawj raixcaix, yinx ndaej haujlai ndaw guek rog guek hekyouz daeuj yawj youz. Guekgingq gyajgeiz, Lungzswng daengx yienh gungh ciepdaih hekyouz 22.8 fanh vunz, ndawde Lungzciz nazmbaeklae ginggih ciepdaih hekyouz dabdaengz 10.7 fanh vunz.

(Banh Cisiengz/潘志祥)



▲ Guekgingq Lungzswng vunz youz nazmbaeklae vunz lai vunz daih.